

---



## **2. Prestacións económicas da Seguridade Social**

---



**2.1. Prestación económica por parto ou adopción múltiple*****Que é?***

Trátase dunha axuda económica cando o número de fillas ou fillos que nacen nun parto ou que se adoptan simultaneamente é de dous ou máis.

***Que requisitos se deben cumprir?***

As persoas beneficiarias deben estar acollidas, tanto ao nivel contributivo como ao nivel non contributivo, ao sistema da Seguridade Social.

Para os efectos civís, “só se reputará nacido o feto que tivese figura humana e vivise 24 horas enteiramente desprendido do seo materno”, art. 30 do Código Civil.

***Cal é a súa contía?***

O importe da axuda económica variará segundo o número de fillas ou fillos nados no parto ou adoptados. Para o ano 2011 son:

Dúas fillas ou dos fillos	4 x SMI*	2.565,60 €
Tres fillas/os	8 x SMI	5.131,20 €
A partir da cuarta filla ou fillo	12 x SMI	7.696,80 €

\* O salario mínimo interprofesional para o ano 2011 será de 641,40 €

***É compatible con outras axudas?***

Esta prestación é compatible con:

- subsidio especial de maternidade por parto múltiple, (ver permiso de maternidade)
- as asignacións económicas por filla ou fillo menor a cargo e,
- a pensión de orfandade que, no seu caso, lle poida corresponder.

### ***Atención e asesoramento***

Instituto Nacional de la Seguridad Social.

Tel.: 900.166.565

<http://www.seg-social.es>

## **2.2. Prestación económica familiar por filla, fillo ou por acollemento dunha ou dun menor a cargo.**

### ***Que é?***

É unha asignación de cartos que se conceden a unha unidade familiar co obxectivo de cubrir unha situación de necesidade ou un exceso de gastos polo que pasan algunhas familias cando teñen fillas e fillos ou acollidas e acollidos menores de 18 anos ao seu cargo; ou teren fillas/os con discapacidade que dependen delas.

### **A. No caso de fillas e fillos ou acollidas e acollidos menores de 18 anos**

#### ***Que requisitos se deben cumprir?***

Os ingresos da unidade familiar non superen a cantidade que cada ano se establece por lei; para o ano 2011 é de 11.264,01 €.

O límite de ingresos irá elevándose nun 15% a partir da segunda filla ou fillo.

No caso de familias numerosas os seus ingresos anuais non serán superiores a 16.953,05 €, incrementándose en 2.745,93 euros por cada filla ou fillo a cargo a partir da ou do cuarto, incluído.

Para os efectos do cómputo para ser beneficiario desta prestación, as fillas ou fillos afectadas ou afectados por unha minusvalía igual ou superior ao 33% computarán dobre.

#### ***Como se calcula o límite de ingresos?***

Se a nai e o pai viven xuntos, téñense en conta os ingresos que tiveron os dous no ano anterior, aínda que só un cumpra os requisitos necesarios para pedir a axuda e ser persoa beneficiaria.

Se a nai e o pai viven separados, téñense en conta os ingresos percibidos durante o ano anterior pola proxenitora ou proxenitor que teña a filla ou o fillo a cargo.

***Cal é a súa contía?***

A asignación será de 291 € ao ano para fillas/os ou acollidas/os ata os 18 anos non discapacitados e o seu pagamento é semestral (nos meses de xaneiro e xullo).

***Alguén máis pode ter dereito a esta asignación?***

- Si, son persoas beneficiarias desta axuda as ou os menores orfos de nai e pai, que teñan uns ingresos, incluída a pensión de orfandade, inferiores a 16.555,70 €, máis un 15% por cada menor orfa ou orfo de nai e pai a partir da ou do segundo.
- As e os menores abandonadas ou abandonados (que non estean en acollemento familiar) que teñan uns ingresos inferiores a 16.555,70 €.

***Que obrigas ten a persoa beneficiaria?***

Presentar antes do 1 de abril de cada ano unha declaración sobre os ingresos que tivo no ano anterior e comunicar aqueles cambios que afectan ao dereito de percibir a axuda.

B. No caso de fillas ou fillos discapacitadas e discapacitados.

***Que requisitos se deben cumprir?***

Ter o recoñecemento legal da ou das discapacidades. En Galicia, correspóndelle aos Equipos de Valoración e Orientación dependentes da Consellería de Traballo e Benestar

(<http://www.traballoebenestar.xunta.es>).

No caso de menores de 18 non hai ningún outro requisito e para maiores de 18 anos teñen que ter recoñecido o 65% ou máis para ter dereito a esta prestación.

***Cal é a súa contía?***

- Se é menor de 18 anos e con discapacidade en grao igual ou superior ao 33%: 1.000 euros anuais, en pagamentos trimestrais de 250 €.
- Se é maior de 18 anos e ten discapacidade en grao igual ou superior ao 65%: 4.171,20 euros anuais, en pagamentos mensuais de 347,60 €
- Se é maior de 18 anos e ten unha discapacidade en grao igual ou superior ao 75% e necesita da axuda dunha persoa para realizar os actos máis esenciais da vida: 6.256,28 euros anuais, en pagamentos mensuais de 521,40 €.

***É incompatible con outras axudas?***

- Coa pensión de xubilación ou invalidez na modalidade non contributiva.
- Coas pensións asistenciais.
- Cos subsidios de garantía de ingresos mínimos ou por axuda de terceira persoa, establecidos na Lei de Integración Social de Minusválidos (LISMI).
- Con prestacións análogas establecidas nos restantes sistemas públicos de protección social.

No caso de que se teña dereito ás dúas tense que elixir entre unha e outra.

***Que obrigas ten a persoa beneficiaria?***

Notificar todos os cambios que se produzan, tanto na situación que afecta ao seu dereito como o cambio de residencia ou variacións na situación familiar, no prazo de 30 días ao Instituto Nacional de Seguridade Social (INSS).

***Atención e asesoramento***

Instituto Nacional de la Seguridad Social

Tel.: 900.166.565

<http://www.seg-social.es>

**2.3. Prestación económica por nacemento ou adopción de fillas ou fillos, en supostos de familias numerosas, monoparentais e nos casos de nais con discapacidade igual ou superior ao 65%**

***Que é?***

É unha axuda de pago único por nacemento ou adopción de fillas ou fillos, a partir do 16/11/2007, que pode ascender a 1.000 €, nos seguintes supostos:

- familias numerosas ou que, con tal motivo adquiran a dita condición,
- familias monoparentais,
- nais que padezan unha discapacidade igual ou superior ao 65%,

***Que requisitos se deben cumprir?***

En todos estes casos é necesario:

- residir legalmente no territorio español
- que os ingresos da unidade familiar non superen a cantidade que cada ano se establece por lei; para o ano 2011 é de 11.264,01 €. O límite de ingresos irá elevándose nun 15% a partir da segunda filla ou fillo.

No caso de familias numerosas os seus ingresos anuais non serán superiores a 16.953,05 €, incrementándose en 2.745,93 euros por cada filla ou fillo a cargo a partir da ou do cuarto, incluído.

Para os efectos do cómputo para ser beneficiario desta prestación, as fillas ou fillos afectadas ou afectados por unha discapacidade igual ou superior ao 33% computarán dobre.

***É compatible con outras axudas?***

Esta prestación é compatible con:

- A prestación por parto ou adopción múltiple.
- As asignacións económicas por filla ou fillo menor acollido a cargo.
- O subsidio especial de maternidade por parto múltiple.
- E calquera outra axuda análoga concedidas por unha administración local ou autonómica.

***Atención e asesoramento***

Instituto Nacional de la Seguridad Social

Tel.: 900.166.565

<http://www.seg-social.es>

## 2.4. Prestación económica por coidado de menores afectadas/os por cancro ou outra enfermidade grave.

### *Que é?*

É unha axuda destinada a compensar a perda de ingresos que sofren as persoas proxenitoras, adoptantes ou acolledoras que reducen a xornada de traballo, coa conseguinte diminución do seu salario, pola necesidade de coidar de maneira directa, continua e permanente ás fillas, fillos ou menores de idade ao seu cargo, durante o tempo da súa hospitalización e tratamento continuado da enfermidade.

### *Que requisitos se deben cumprir?*

- Ser traballadora ou traballador por conta allea ou por conta propia.
- Estar afiliada ou afiliado á Seguridade Social e en alta nalgún dos réximes do sistema.
- Acreditar o período de cotización esixido para a prestación da maternidade.
- Atoparse ao corrente no pago das cotas, das que sexan responsables directos as persoas traballadoras.
- Reduzan a xornada de traballo nun 50% da súa duración, como mínimo, para dedicarse ao coidado directo, continuo e permanente da ou do menor.

### *Cal é a súa contía?*

A prestación consiste nun subsidio equivalente ao 100% da base reguladora que estea establecida para a prestación de incapacidade temporal derivada de continxencias profesionais, e en proporción á redución que experimente a xornada de traballo.

### *Atención e asesoramento*

Instituto Nacional de la Seguridad Social

Tel.: 900.166.565

<http://www.seg-social.es>

